

PromoForum

Konferencija o ljudskim potencijalima u turizmu

13. 2. 2020., Poreč, dvorana Žatika



Dr. KENAN CRNKIĆ
bestseller autor, predavač i high
performance coach

Petak 13.2.2020. - 17:15h

Tvoj novi početak

Kenan Crnkic je autor internacionalnih bestsellera o uspjehu: "7 tajni uspjeha", sreći: "Pazi kojeg vuka hraniš" i životu: "Nadživjeti život". Njegova prva knjiga "7 tajni uspjeha", kao jednostavan i praktičan vodič do uspjeha, izazvala je svojevrsnu senzaciju, oborila sve rekorde prodaje, u roku od samo 10 dana od izdavanja izbila na prvo mjesto, a u prvoj godini doživjela svoje nevjerovatno 10. jubilaro izdanje.

Pored ogromnog uspjeha u samoj regiji, Dr Kenan Crnkic kao jedini autor sa ovih prostora sa engleskim izdanjem svojih knjiga pozicionirao se na prvo mjesto u području motivacije i ličnog uspjeha na najvećoj svjetskoj platformi za prodaju knjiga Amazon. Njegove knjige i radovi prevedeni su na veći broj stranih jezika te na Brajevo pismo.

Doktor je ekonomskih znanosti i profesor na katedri za biznis i menadžment poznatog Webster Univerziteta u Beču. U teorijskom smislu školovao se na brojnim fakultetima u zemlji i inozemstvu, a specijalističke studije uspješno je okončao i na prestižnoj Harvard Business School, SAD.

Dr Crnkic uspješno je rukovodio multinacionalnim korporacijama i fondacijama u privatnom, ali i državnom vlasništvu. Po svojoj stručnosti postao je prepoznatljiv i visoko cijenjen kako u domaćim tako i međunarodnim krugovima, pa tako obnaša značajan broj funkcija u upravnim, savjetodavnim i stručnim odborima, a trenutno je i potpredsjednik Europskog komiteta za poduzetništvo. Objavio je zapažen broj stručnih i znanstvenih radova, univerzitetsku knjigu iz domena strateškog poduzetništva, te međunarodnu monografiju koja je u saradnji sa Universidad Autonoma de Madrid objavljena na engleskom i španjolskom jeziku.

Njegovu bogatu biografiju ukrašava veliki broj prestižnih nagrada i priznanja za izvanredne rezultate u različitim poljima djelovanja, kao što su privredna ličnost godine (2006), menadžer decenije za Jugoistočnu i Centralnu Evropu (2010), specijalna nagrada koja mu je 2012.godine dodijeljena od strane Sokratovog komiteta sa sjedištem u Oxfordu, Velika Britanija, za poseban doprinos u nauci, Zlatna povelja "Linus Pauling", s Plaketom i Zlatnom značkom, koju dodjeljuje Internacionalna liga humanista (2013) i mnoge druge. Između ostalih, dobitnik je i američke književne nagrade „Bookvana 2017“ kao laureat odnosno knjiga pobjednik u kategoriji motivacije i personalnog rasta i razvoja.

Zbog činjenice, da se primarno u misiji promoviranja fenomena uspjeha i sreće, kontinuirano kao zapažen govornik pojavljuje na skoro svim značajnijim medijima i simpozijima u široj regiji, efektno prenoseći na prepoznatljiv, često nekonvencionalan, jednostavan, ali i izrazito nadahnut način, ključna zapažanja, poruke i savjete, kao i podatka da njegove besplatne sedmične blogove i motivirajuće sadržaje svakodnevno putem same web stranice ili popularnih društvenih mreža i kanala kombinirano prati preko 300 tisuća ljudi i fanova različitih profila, Kenan Crnkic sa punim pravom percipira se kao pionir motivacijske literature te jedno od najpoznatijih ali i najutjecajnijih imena u široj, poslovnoj te akademskoj javnosti jugoistočne Europe.